

Tungkol saan ang modyul na ito?

Pagsasaka ang paksa ng modyul na ito. Nakatuon ito sa organikong pagsasaka. Pagtutuunan ng aralin kung paano maipagpapatuloy ang ganitong uri ng pagsasaka. Matututuhan din ang maaaring gamitin sa organikong pagsasaka. Maaaring kumita ang magsasaka na hindi nasisira ang lupang sakahan.

May dalawang aralin ang modyul na ito.

Aralin 1: Mga Gawi ng Magsasaka

Aralin 2: Mga Pamamaraan ng Likas-Kayang Pagsasaka

Ano-ano ang matutuhan mo sa modyul na ito?

1. nasasabi ang gawi ng isang magsasaka
2. nasusuri ang kabutihang dulot ng organikong pagsasaka
3. nakababasa at nakasusulat ng mga payak na salita kaugnay ng organikong pagsasaka

Ano-ano na ang alam mo?

Panuto: Basahin ang mga pangungusap. Lagyan ng tsek ✓ sa angkop na hanay kung ikaw ay Sang-ayon o Di-Sang-ayon sa pangungusap:

	Sang-ayon	Di-Sang-ayon
1. Ang tamang agwat ng pagtanim ng palay ay mahalaga.		
2. Pagbomba ng lason ang dahilan ng pagkawala ng isda sa palayan.		
3. Ang pinabulok na dahon ay may masamang epekto sa palay.		
4. Ang lupa, tubig at hangin ay walang buhay.		
5. Ang lupa ay nasisira dahil sa nabulok na bagay.		
6. Ang pagsusunog ng dayami ay nagpapahina ng taba ng lupa.		